

元宵的诗句

1.
鄂州新得主人翁，今岁元宵便不同。灯火夜深回昼日，管弦声动起春风。
辽天月借三秋白，陆地莲开十丈红。妙手信能移造化，速宜归去补苍穹。
——戴复古《汪给事守鄂渚元宵代江夏宰吴熙仲献灯》
2.
吾爱清源颜养仁，笔端有力重千钧。奇才自合巍收第，他巧何妨且进身。
我老无能惟喜士，君名若出定惊人。元宵相聚过寒食，不污东风一点尘。
——王迈《游温陵得未得之士四人作四爱诗·赠养仁若春》
3.
灯火钱塘三五夜，明月如霜，照见人如画。帐底吹笙香吐麝，更无一点尘随马。
寂寞山城人老也！击鼓吹箫，却入农桑社。火冷灯稀霜露下，昏昏雪意云垂野。
——苏轼《蝶恋花·密州上元》
4.
爱元宵三五风光，月色婵娟，灯火辉煌。月满冰轮，灯烧陆海，人踏春阳。
三美事方堪胜赏，四无情可恨难长。怕的是灯暗光芒，人静荒凉，角品南楼，月下西厢。
——《折桂令·元宵》
5.
一夜东风，吹散柳梢残雪。御楼烟暖，正鳌山对结。箫鼓向晚，凤辇初归宫阙。
千门灯火，九街风月。绣阁人人，乍嬉游、困又歇。笑匀妆面，把朱帘半揭。
娇波向人，手捻玉梅低说。相逢常是，上元时节。
——晁冲之《传言玉女》
6.
将坛醇酒冰浆细，元夜邀宾灯火新。直待清霄寒吐月，休教白发老侵人

。香翻桂影烛光薄，红沁榆阶宝靥匀。群品欣欣增气色，太平依旧独闲身。——赵时春《元宵饮陶总戎家二首》

7.
过了元宵，见七叶蓂又飞。恰今朝、昴宿降瑞。初度果生贤，尽道丰姿绝异。翰林人物，云霄富贵。自栖鸾展骥。迤邐黄堂，每登要路无留滞。暂归来，访松菊，趣装行用济。增崇福禄，寿延千百岁。——罗子衍《三登乐》

8.
百枝火树千金屨，宝马香尘不绝。飞琼结伴试灯来，忍把檀郎轻别。一回佯怒，一回微笑，小婢扶行怯。石桥路滑缃钓蹶，向阿母低低说。嫦娥此夜悔还无？怕入广寒宫阙。不如归去，难畴畴昔，总是团圆月。——董舜民《元夜踏灯》

9.
拨雪寻春，烧灯续昼。暗香院落梅开后。无端夜色欲遮春，天教月上官桥柳。花市无尘，朱门如绣。娇云瑞雾笼星斗。沈香火冷小妆残，半衾轻梦浓如酒。——毛滂《踏莎行·元夕》

10.
客路那知岁序移，忽惊春到小桃枝。天涯海角悲凉地，记得当年全盛时。花弄影，月流辉，水晶宫殿五云飞。分明一觉华胥梦，回首东风泪满衣。——赵鼎《鹧鸪天·建康上元作》

11.
闻道长安灯夜好，雕轮宝马如云。蓬莱清浅对觚棱。玉皇开碧落，银界失黄昏。谁见江南憔悴客，端忧懒步芳尘。小屏风畔冷香凝。酒浓春入梦，窗破月寻人。——毛滂《临江仙·都城元夕》

12.
茂苑元宵亦盛哉，千红百紫雪中开。牡丹自是吴门有，莲菡移从都下来。光射琉璃最精彩，吐成蝥蛸贯昭回。归船尚有残灯在，更与儿曹饮一杯。——杨万里《姑苏馆上元前一夕观灯》

13.

三年不踏门前路，今夜仍看屋里灯。照佛有余长自照，澄心无法便成澄。追欢狂客去忘返，入定孤僧唤不应。更到西禅何所问，隔墙鱼鼓正登登。——苏辙《上元夜适劝至西禅观灯》

14.

阳乌且缓浴虞渊，瑞白春花胜腊前。台笠看人争播种，扶犁撩我梦归田。千金何术参医国，十雨从今更问天。斩驻飏游须净供，元宵未暇宝灯燃。——程公许《祷雪麻仙洞前立春一日湫压县境而雪霰已集连》

15.

千点寒梅晓角中，一番春信画楼东。收灯庭院迟迟月，落索秋千翦翦风。鱼雁杳，水云重，异乡节序恨匆匆。当歌幸有金陵子，翠斝清尊莫放空。——杨慎《鹧鸪天·元宵后独酌》

16.

穷人不谋欢，元夜如常时。晴雨均寂寞，蚤与一睡期。朱门粲灯火，歌舞临酒池。酒阑欢不足，九街恣游嬉。前呵惊市人，箫鼓逐后随。片云头上黑，翻得失意归。——戴复古《元宵雨》

17.

八表流云澄夜色，九霄华月动春城。条风细细吹旗影，香蔼微微引漏声。河汉虹桥应断绝，沧溟鳌足漫峥嵘。愁来更听渔阳操，独倚阑干坐到明。——刘基《次韵和石末公元夜之作》

18.

柳条弄色梅飘粉，还是元宵近。小楼深巷月胧明，记得恁时风景。庭花影转，珠帘人静，依旧厌厌闷。如今对酒翻成恨，春瘦罗衣褪。王孙何处草萋萋，辜负小欢幽兴。谁知此际，有人灯下，偷把归期问。——晁端礼《御街行》

19.

又远到元宵台榭。记轻衫短帽。酒朋诗社。烂漫向、罗绮丛中，驰骋风流俊雅。转头是、三十年话。量减才慳，自觉是、欢情衰谢。但一点难

忘，酒痕香帕，如今雪鬓霜髭，嬉游不堪深夜。怕相逢、风前月下。——孙惟信《望远行·元夕》

20.

元夕风光，中兴时候。东风著意催梅柳。谁家银字小笙簧，倚阑度曲黄昏后。拨雪张灯，解衣赏酒。觚棱金碧闻依旧。明年何处看升平，景龙门下灯如昼。——侯置《踏莎行·壬午元宵戏呈元汝功参议》

21.

鼓吹东方天欲晓。打彻伊州，梅柳都开了。尽道鄞江春许早。使君未到春先到。号令只凭花信报。旗垒精明，家世临淮妙。遥想明年元夕好。玉人更著华灯照。——丘壑《蝶恋花·送岳明州》

22.

元宵内景闲闲看。见云雾、风吹散。洞里天晴如碧案。一轮心月，十分明更，性烛非常灿。灵台结个灯球焕。慧照中间按。不使三尸分片段。青莲池上，客来推要，混入长生观。——马钰《青莲池上客·继重阳韵》

23.

听元宵，往岁喧哗，歌也千家，舞也千家。听元宵，今岁嗟呀，愁也千家，怨也千家。那里有闹红尘香车宝马？祇不过送黄昏古木寒鸦。诗也消乏，酒也消乏，冷落了春风，憔悴了梅花。——王磐《古蟾宫·元宵》

24.

拨雪寻春，烧灯续昼。暗香院落梅开后。无端夜色欲遮春，天教月上宫桥柳。花市无尘，朱门如绣。娇云瑞雾笼星斗。沉香火冷小妆残，半衾轻梦浓如酒。——毛滂《踏莎行·元夕》

25.

别来无奈岁时催，渴想声猷但指梅。六逸溪头难角逐，七贤林下曷追陪。忘怀不觉老将至，揣分争如紧去来。况值元宵增感慨，十年耳冷听倾杯。——谢伋《元夕日承再示梅韵佳作过形褒借辄尔继和自兹》

26.

东风夜放花千树，更吹落，星如雨。宝马雕车香满路。凤箫声动，玉壶光转，一夜鱼龙舞。蛾儿雪柳黄金缕，笑语盈盈暗香去。众里寻他千百度，蓦然回首，那人却在，灯火阑珊处。——辛弃疾《青玉案·元夕》

本文链接：<https://duanjuziku.com/duanjuzi/ye0p2oynka.html>